

吐



薛嘔吐皆主脾胃古人謂脾虛則嘔胃虛則吐是也
嘔者有聲無物吐者有物無聲若手足指熱喜飲熱
湯或睡而露睛皆胃氣虛弱也用異功散若手足指
熱飲冷或睡不露睛屬胃經實熱也用瀉黃散若作
渴少食或小便色赤胃經虛熱也用七味白朮散大
凡嬰兒在乳母尤當節飲食若乳母停食亦能致兒
吐瀉故不可不慎也

曾論吐之原難以枚舉有冷
吐熱吐積吐傷風嗽吐傷乳吐其吐則同其證有異

各述於後

冷吐乳片不消多吐而少出脉息沉微

面白眼慢氣緩神昏額上汗出此因風寒入胃或食

生冷或傷宿乳胃虛不納而出宜溫胃去風除宿冷

用當歸散水煨薑陳皮煎服或間投沖和飲理中湯

及薑橘湯定吐飲如諸藥不效以參香飲治之熱

吐面赤唇紅吐次少而出多乳片消而色黃遍體熱

甚或因暑氣在胃或食熱物精神不慢而多煩躁此

熱吐也宜解熱毒用大順飲溫熱水空心調下并五

苓散小柴胡湯並加薑汁緩服及香薷散主之誤服

熱藥先投藁豆飲解之次服止吐之劑積吐眼胞

浮面微黃足冷肚熱晝輕夜重兒大者脉沉緩此宿
冷滯脾故吐黃酸水或有清痰脉實而滑爲食積所
傷吐酸醜氣或宿食併出兒小者吮乳不化是也先
用五苓散薑汁溫湯調下和解次以烏犀丸主之最
小者投三稜散化癖丸傷風嗽吐有熱生風有風
生痰痰結胸中肺氣不順連嗽不止和痰吐出此爲
嗽吐痰壅而作乃爲實證宜去風化痰先投清肺飲
次小柴胡湯爲治若嗽久而肺虛土不生金故面白
唇燥乾嗽乾嘔而無痰可溫補爲上用茯苓厚朴湯
惺惺散如意膏爲治傷乳吐纔乳哺後卽吐或少

停而吐此因乳飲無度脾氣弱不能運化故有此證
譬如小器盛物滿則溢治法宜節乳投三稜散此
外又有風痰吐乃是傷風不解吐乳夾痰若多時必
要生風宜服青州白丸子半夏散疎風下痰之劑皆
可服之 毒氣吐出巢氏病源 挾驚吐張渙三香
丹之類 疳積吐出本事方 凡霍亂吐不止者伏
龍肝細末貳錢以蘆稷米炒黃煎湯調下立止或用
白扁豆炒過煎湯調下亦好若白扁豆嫩苗更好
寒吐湯 小兒寒吐者由乳母當風取涼解脫致令風
冷入乳變敗兒若飲之故嘔吐也乳母當食後捏去

舊宿敗乳急服理中湯次用釀乳法其候是寒清痰
夾乳吐出是也凡有此候服藥不効胃氣將絕藥不
能下當服靈砂丸如大便通宜來復丹二藥常用驗
薛寒吐之證面目脹額汗出脉沉遲微寒氣停於
胃故胃不納而吐出也噦逆者由胃氣虛甚過服尅
伐使清氣不升濁氣不降以致氣不宣通而作也風
寒在胃者用理中丸胃氣虛者六君子湯風涼所致
者宜捏去敗乳急服理中丸次服釀乳法若嘔吐清
涎夾乳小便清利用大安丸若因乳母食厚味用東
垣清胃散若乳母飲醇酒用葛花解醒湯飲燒酒服

冷米醋三五杯乳母食生冷而致者用五味異功散
乳母停食者母服大安丸子服異功散乳母勞役者
子母俱服補中益氣湯乳母怒動肝火者用加味道
遙散乳母鬱怒傷脾者用歸脾湯乳母脾虛血弱者
用六君芎歸其子亦服三五滴氣血虛而乳熱者子
母俱服八珍散仍參熱吐霍亂治之

世萬安膏

治小兒脾胃虛弱腹生疳蟲癥瘕食積

泄瀉常服消疳去積助胃氣和中疎氣滯

人參

厚朴

薑製

陳皮

青皮

肉桂

夏不用

乾薑

各壹兩

木香

沉香

藿香

甘草

各半兩

史君子

炮拾箇

澤瀉

冬不用春秋減半用

右爲末煉蜜丸如芡實大食前米飲化下如熱薄

荷湯下一方無木香沉香藿香青皮四君子有

白朮蒼朮茯苓豬苓

田

朱沉丹

治小兒嘔吐不止

朱砂

貳錢半

沉香

貳錢

藿香

參錢

滑石

半兩

丁香

拾肆粒

右爲細末每服半錢用新汲水一盞芝蔴油滴成

花子抄藥在上須臾墜濾去水却用別水空心送

土寒止

刀針

四三

下

定吐紫金核 治小兒一切嘔吐不止

半夏

湯洗七次薑製

人參

白朮

木香

丁香

藿香

各貳錢半

右爲細末稀麪糊爲丸如李核大後用沉香壹錢爲末朱砂壹錢水飛二味同研勻爲衣陰乾每服一丸用小棗壹枚去核納藥在內濕紙裏燒熟嚼與小兒服後以米飲壓之

香銀丸 治吐

丁香

乾葛

各壹錢

半夏

湯浸切焙

水銀兩

右上三味同爲細末將水銀與藥研勻生薑汁丸如麻子大每服一二丸至五七丸煎金銀花湯下無時

本事白朮散 治小兒吐嘔脉遲細有寒

白朮

人參

半夏麴

各貳錢

茯苓

乾薑

甘草

各壹錢

右爲末每服二錢水一盞薑三片棗一枚煎七分去查溫服日三三一方無半夏麴有木香藿香

薑橘湯 治脾慢胃冷嘔吐不止

白薑

貳錢炮

陳橘皮

去白壹兩

粉草

炙叁錢

右件剉焙爲末每服半錢或一錢用溫棗湯調化空心少與緩服

定吐飲 治吐逆投諸藥不止用此神効

半夏

湯洗七遍焙乾剉如棗豆大篩去細末貳兩

生薑

乾淨和皮貳兩

薄桂

去麁皮剉叁錢

右生薑切作小方塊棗豆大同前半夏和勻入小

鐺內慢火順手炒令香熟帶乾方下桂再炒勻微

有香氣以皮紙攤盛地上出火毒候冷略搗去黑

焦末每服二錢水一盞薑二片煎七分稍空心少

與緩服

參香飲 治胃虛作吐投諸藥不止

人參

去蘆
壹兩

沉香

丁香

藿香

和梗

南木香

各貳錢半

右剉每服二錢水一盞煎七分去查臨入薑汁少許作三次空心溫服

證

小兒秋夏伏暑多有熱吐其吐黃涎頭額溫五

心熱小便或赤而少乃熱吐也或乾嘔而無物宜香

需飲

薛小兒熱吐者因多食甘甜味炙燂之物或乳

母膏粱厚味胃經積熱或夏間暑氣內伏於胃所致

七執注

卷十二

五

若肌肉𦵏動煩熱作渴者暑傷胃氣也先用香薷散
次用竹茹湯若吐乳色黃不能受納者胃經有熱也
先用瀉黃散次用人參安胃散若吐出酸穢者乳食
內停也用保和丸吐乳不消者胃氣弱也用異功散
吐而少食腹痛欲按者脾氣虛也用六君子加木香
凡諸證當驗其手指熱則胃熱冷則胃寒熱用瀉黃
散寒用理中湯不熱不寒異功散調之

錢氏玉露散

方見吐瀉

香薷散

治寒溫不適飲食失調或外因風寒暑邪

致吐利心腹疼痛霍亂氣逆發熱頭痛或轉筋拘

急或疼痛嘔噦四肢逆冷

香薷

壹兩

茯苓

白扁豆

炒

厚朴

薑汁製
各伍錢

右每服二三錢水煎加酒半杯冷服立効

竹茹湯

治胃受邪熱心煩喜冷嘔吐不止

葛根

柴錢半

半夏

炮半兩

甘草

炙叁錢

右每服一二錢入竹茹棗許大薑水煎取清汁微

冷細細服加茯苓叁錢尤妙

錢氏藿香散

治脾胃虛有熱面赤嘔吐涎嗽及轉

過度者宜服

土熱吐

刀圭

四六

麥門冬

焙去心

半夏麴

炒

甘草

炙各半兩

藿香

壹兩用葉

石膏

半兩

右爲末每服五分至一錢水一盞半煎七分食前

溫服

本事麥門冬散

治小兒嘔吐脉數有熱

麥門冬

半夏

人參

茯苓

各貳錢

甘草

壹錢

右爲末每服二錢水一盞薑三片煎至五分去渣

溫服日二三服

湯氏清膈飲子

治小兒伏暑嘔吐

香薷

淡竹葉

各壹兩

白茯苓

人參

半夏

檀香

甘草

炙各半兩

白粳米

壹合

右咬咀薑煎溫服大小加減

聖惠麥門冬散

治嘔吐不止心神煩熱

麥門冬

焙

淡竹茹

各半兩

甘草

炙

人參

茅根

陳皮

去白焙各壹分

右為麤末每服一錢水一小盞薑少許煎五分稍

熱頻服量大小加減

治嘔吐心煩熱蘆根粥

生蘆根

貳兩

粟米

壹合

右用水二大盞煎至一半去滓投米作粥薑蜜少許食

大順飲 解冒暑毒煩渴吐瀉腹痛發熱神昏或血路血及大腑下血小便黃少口乾汗多

細麴

貳拾兩

生薑

拾兩

赤茯苓

去皮

粉草

各伍兩

右先以生薑方切如菜豆樣石鉢內杵爛入麴再杵勻攤作薄片烈日中曝乾赤茯苓粉草二味細剉同前薑麴片或曬或焙合研爲末每服二錢新

汲井水無時調服或溫熱湯

綠豆飲 解誤服劑熱之毒煩躁悶亂或作吐或狂

渴宜先投下次服對證藥劑

綠豆粉 壹兩

淨黃連

乾葛

甘草 各半兩

右除綠豆粉外餘三味共為細末入乳鉢同綠豆粉杵勻每服半錢至一錢溫豉湯調服

益元散 治熱吐面赤氣麤小水短少傷暑作吐尤

佳

滑石 六錢

甘草 壹錢